

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA NANE

KIKAO CHA TISA

05 FEBRUARI, 2015



ORODHA YA SHUGHULI ZA LEO

MKUTANO WA KUMINA NANE

KIKAO CHA TISA – TAREHE 05 FEBRUARI, 2015

I. MASWALI KWA WAZIRI MKUU:

II. MASWALI YA KAWAIDA:

OFISI YA WAZIRI MKUU:

98. MHESHIMIWA IGNAS ALOYCE MALOCHA
(KWELA):

Atamuuliza Mheshimiwa Waziri Mkuu:-
Halmashauri ya Wilaya ya Sumbawanga kupitia
Baraza la Madiwani ilijadili na kupitisha maombi
ya kupatiwa Halmashauri mpya iitwayo Lyamba
ya Mfipa baada ya kutimiza vigezo
vinavyotakiwa:-

Je, ni lini Serikali itatoa kibali cha kuanzishwa
kwa Halmashauri hiyo.

**99. MHESHIMIWA FAKHARIA SHOMAR KHAMIS
(VITI MAALUM):**

Atamuuliza Mheshimiwa Waziri Mkuu:- Baadhi ya Halmashauri bado zinaendelea kutoza ushuru wa geti na tayari kuna agizo la tangazo la Serikali Na. 230 la mwaka 2003 la kuzuia suala hilo:-

(a) Je, Serikali inajua kwamba kitendo hicho ndio chanzo cha migogoro iliyopo katika baadhi ya Mikoa;

(b) Kama Serikali inajua tatizo hilo; Je, ni hatua gani imechukua ili kukomesha kitendo hicho.

**100. MHESHIMIWA ROSWEETER FAUSTIN
KASIKILA (VITI MAALUM):**

Atamuuliza Mheshimiwa Waziri Mkuu:- Baadhi ya Wilaya za Mkoa wa Rukwa zina Maafisa Watendaji wa Vijiji na Kata ambao wengi wao hawajaajiriwa ila wanakaimu katika nafasi hizo kwa kipindi kirefu cha kati ya miaka 3 – 4:-

Je, Serikali haioni kuwa inapokuwa na watumishi wasioajiriwa huku wakikaimu kwa muda ni kuwafanya wasiwajibike ipasavyo na

hivyo kushindwa kusimamia shughuli za
maendeleo katika maeneo husika.

WIZARA YA MAMBO YA NDANI YA NCHI:

101. MHESHIWA RAMADHANI HAJI SALEH (BUMBWINI):

Atamuuliza Mheshimiwa Waziri wa Mambo ya Ndani ya Nchi:- Kumejitokeza vitendo vya baadhi ya Askari Polisi kuhusika na uhalifu wa wazi wa kutumia silaha:-

Je, Serikali inatoa tamko gani juu ya jambo hilo.

102. MHESHIWA KOMBO KHAMIS KOMBO (MGOGONI):

Atamuuliza Mheshimiwa Waziri wa Mambo ya Ndani ya Nchi:- Utaratibu wa kuwapatia sare walinzi wetu wa usalama wa raia na mali zao ni mzuri sana:-

(a) Je, Serikali ina utaratibu gani juu ya manunuzi ya sare hizo na zinatoka wapi;

(b) Je, sare hizo hununuliwa kwa awamu ngapi.

WIZARA YA ELIMU NA MAFUNZO YA UFUNDI:

103. MHESHIWA SUSAN ANSELM JEROME LYIMO (VITI MAALUM):

Atamuuliza Mheshimiwa Waziri wa Elimu na Mafunzo ya Ufundi:- Wanafunzi wengi wanaomaliza VETA hukosa ajira na kushindwa kujiajiri kwa kukosa mtaji au vifaa vya kufanyia Ufundi wao:-

Je, Serikali ina mkakati gani wa kuwakopesha vifaa ili wajiajiri wenyewe.

WIZARA YA FEDHA:

104. MHESHIWA RITA LOUISE MLAKI (VITI MAALUM):

Atamuuliza Mheshimiwa Waziri wa Fedha:- Nchi Wanachama wa Umoja wa Nchi za Afrika Mashariki wako katika maandalizi ya kupitisha mkataba wa kuweka sarafu ya pamoja na tayari baadhi ya nchi wanachama wameshapeleka mkataba huo kwenye Kamati za Bunge la nchi husika, na baadhi nyingine tayari mkataba umeshapitishwa ili kupelekwa Bungeni kwa ajili ya kuridhiwa:-

- (a) Je, nchi ya Tanzania iko katika hatua gani ya kupitisha mkataba huo sehemu zote kabla haujaletwa Bungeni;
- (b) Kwa kuzingatia kuwa nchi wanachama wa EAC zinatofautiana kiuchumi; Je, hilo suala la sarafu ya pamoja haliwezi kuziumiza zile nchi zenye uchumi hafifu kama ilivyokuwa kwa Nchi za Ulaya walipoanzisha sarafu ya pamoja EURO;
- (c) Je, nchi yetu imejiandaa vipi kukabiliana na hali hiyo endapo ikitokea.

WIZARA YA MAJI:

**105. MHESHIMIWA GAUDENCE CASSIAN
KAYOMBO (MBINGA MASHARIKI):**

Atamuuliza Mheshimiwa Waziri wa Maji:- Mhe. Rais Dkt. Jakaya Mrisho Kikwete akiwa kwenye ziara yake huko Mbinga Julai, 2014 aliwaahidi Wananchi kutatua tatizo sugu la maji kwenye Mji wa Mbinga:-

Je, ni lini tatizo hilo litakwisha.

WIZARA YA MALIASILI NA UTALII:

106. MHESHIMIWA MCH. PETER SIMON MSIGWA (IRINGA MJINI):

Atamuuliza Mheshimiwa Waziri wa Maliasili na Utalii:- Tatizo la upungufu wa Tembo katika Hifadhi za Taifa unatokana na ujangili na biashara haramu ya Nyara hata kuifanya Tanzania kujiwekea maazimio ya kutekeleza makubaliano ya Kimataifa ya kukomesha tatizo hilo:-

• Je, mpaka sasa Tanzania imetekeleza Maazimio ya makubaliano mangapi.

III. HOJA ZA KAMATI:

MWENYEKITI WA KAMATI YA HUDUMA ZA JAMII:

Kwamba, Bunge sasa lipokee na kuikubali Taarifa ya Kamati ya Huduma za Jamii pamoja na maoni na mapendekezo yaliyomo kwenye Taarifa hiyo.

**MWENYEKITI WA KAMATI YA MAENDELEO YA
JAMII:**

Kwamba, Bunge sasa lipokee na kuikubali Taarifa ya Kamati ya Maendeleo ya Jamii pamoja na maoni na mapendekezo yaliyomo kwenye Taarifa hiyo.

**DODOMA
05 FEBRUARI, 2015**

**DKT. T. D. KASHILILAH
KATIBU WA BUNGE**